

SAMOA

**TULAFONO FAATONUTONU O TEUTEUGA
O LE FUAFUAINA O TIUTE O OLOA 2009**

Faatulagaina o Aiaiga

1. Igoa puupuu ma le amataga
2. Agatapuia ma le lomiga faasalalau o faamatalaga

E tusa ai ma le fuaiupu 123 o le Tulafono o le Ofisa o Tiute 1977, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta **UA OU FAIA AI** Tulafono Faatonutonu e faapea:

FAIA i Apia i lenei aso 24 o Aokuso 2009.

sainia: (Tui Atua Tupua Tamasese Efi)
O LE AO O LE MALO

TULAFONO FAATONUTONU

1. Igoa puupuu ma le amataga-(1) E mafai ona taua nei Tulafono Faatonutonu o Tulafono Faatonutonu o Teuteuga o le Fuafuaina o Tiute o Oloa 2009.

(2) O nei Tulafono Faatonutonu e amata faamamaluina i le aso e faia ai.

2. Agatapuia ma le lomiga faasalalau o faamatalaga - Ua teuteuina le Tulafono Faatonutonu o le Fuafuaina o Tiute o Oloa 1998 i le faaofiina i ai ina ua tuanai le tulafono faatonutonu 18, e faapea:

“**18A. Agatapuia**-(1) E tatau i le Pule Sili mo faamoemoega o le fuafuaina o tiute o oloa, ona matua tausia le tulaga agatapuia o faamatalaga uma ia e tuuina atu i le Pule Sili, po o ua mauaina e le Pule Sili, i luga o se faiga agatapuia.

(2) E lē tatau i le Pule Sili ona faailoa atu so o se faamatalaga lea e faaaogā i ai le tulafono faatonutonu laitiiti (1), e aunoa ma le faatagaga tusitusia a le tagata po o le Malo o tuuina atu le faamatalaga po o lea na maua mai ai le faamatalaga, seia vagana ai le tulaga e faapea e ono mafai ona manaomia le faailoa atu o le faamatalaga i tualumaga faa-faamasinoga.

18B. Lomiga Faasalalau - E tatau i le Pule Sili ona lomina faasalalau i le Savali se faasilasilaga o faaiuga faa-faamasinoga ma faaiuga tau pulega e faaaogā lautele e faamamaluina ai noataga a Samoa i lalo o le Maliega o le Faaogāina o le Mataupu VII o le Maliega Lautele i le Faasologa o Tiute ma Fefaatauaiga 1994 (Maliega o le Fuafuaina o Tiute o Oloa).”.

**Tuuina atu i lalo o le pule faataga a le Tulafono o Tulafono
Faatonutonu 1953.**

Aso e amata faamamaluina ai: 24 Aokuso 2009

Faasilasilaga:

**O nei Tulafono Faatonutonu o lo o faafoeina e le Matagaluega mo
Tupe Maua.**

**O ata o nei Tulafono Faatonutonu o lo o mafai ona faatauina atu,
mai le Ofisa o le Failautusi o le Fono Aoaofaitulafono.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**